

第五四八冊

博物彙編

草木典

梅部

杏部

桃部

李部

李部

柰部

(卷)

二九—三三

三三—三四

三五—三九

三〇

三三

古今圖書集成

中華書局影印

欽定古今圖書集成博物彙編草木典

第二百九卷目錄

梅部藝文四詩

蠟梅

宋王十朋

紅梅

前人

次韻王龜齡省中黃梅

周必大

紅梅

范成大

嶺上紅梅

前人

次韻元夕賞倅廳紅梅二首

前人

紅梅

前人

梅爲雪所禁

前人

次韻漢卿舅蠟梅二首

前人

梅花二首

陸游

江上尋梅二首

前人

折梅花

前人

梅花

前人

觀梅

前人

雪後尋梅二首

前人

紅梅

前人

梅花二首

前人

十二月初一日得梅一枝絕奇戲作長句

澆花賞梅

前人

山亭觀梅

前人

射的山觀梅

前人

古梅

前人

梅花

前人



普明寺見梅

楊萬里

梅花下小飲

前人

梅坡

前人

池亭雙樹梅花

前人

南齋梅花

前人

瓶裏梅花二首

前人

探梅

前人

昌英知縣叔作歲坐上賦瓶裏梅花時坐上九人

人

前人

慶長叔招飲花下

前人

道傍梅花

前人

蠟梅四首

前人

瓶中梅花長句

前人

梅花下遇小雨

前人

雪夜尋梅

前人

蠟梅

前人

和羅巨濟山居

前人

梅花

劉子翬

紅梅

韓元吉

詠蠟梅水仙

樓鑰

蠟梅

尤袤

梅花

陳亮

早梅

朱熹

和宋丈韻紅梅

前人

蠟梅

前人

梅花開盡不及吟賞感歎成詩聊貽同好二首

前人

梅花

前人

詠梅

前人

嶺梅

前人

早梅

前人

寒梅

前人

疎梅

前人

前村

前人

次韻早梅

前人

用東坡韻三首

前人

次張彥輔賞梅韻

前人

探梅

戴昺

西郊訪梅

魏了翁

漁舍觀梅

林景熙

次王成之韻詠梅

戴復古

梅

謝翱

靈洲梅花

前人

蠟梅

吳龍翰

久客買舟西還

前人

水邊早梅

宋伯仁

兀坐

謝枋得

武夷山中

方逢辰

題吳氏梅堂

元吉

夜坐

趙信菴

梅花

吳永齋

蠟梅

徐介軒

紅梅二首

楊平州

紅梅

梅窗 葛長庚

紅梅 桂水集

題曹得一扇頭 金元好問

窗外梅香 劉仲尹

墨梅 前人

晚梅 史學

墨梅 楊邦基

梅 李俊民

詠梅 前人

籌堂尋梅 前人

文季侍郎得綠萼香梅子文待制有詩輒亦同賦 劉著

梅花 劉迎

和路宣叔梅 周昂

上清宮梅 李獻能

梅花 范堦

紅梅 麻九疇

紅梅 元日龍

蠟梅二首 趙伯成

仲冬之初家弟誠之自片溪得紅梅數枝作二詩以見意夜歸枕上次韻簡山中三子二首

梅花十詠 投克己

紅梅用誠之弟韻二首 前人

乘輿杖履山麓值梅始華徘徊久之因折數枝置几側燈下漫成二首 投成己

梅花十詠 錄九首 前人

紅梅 前人

古瓶蠟梅 趙秉文

蠟梅 宋王十朋

蜂採花成蠟還將蠟染花一經坡谷眼名字壓羣葩

似桃非桃杏非杏獨與江梅相早晚天姿約略帶春

醒便覺花容太柔婉霞觴漱灑玉妃醉應悞劉郎來

閨苑會須參作比紅詩莫學牆頭等閒見

次韻王龜齡省中黃梅 周必大

化工未約醺醺菊先放細梅伴羣玉幽姿著意慕鉛

黃正色何心輕萼綠妝成自淺風味深對此寧辭食

無肉可憐涪翁被渠惱中歲梅屏格杳醇

紅梅 范成大

華燈收盡江梅落別有橫枝照林薄天教閨苑染芳

根不住山城慰蕭索騰騰醉後酒紅醺淡淡妝成笑

靨新斟酌東君已傾倒爲渠都費十分春別乘曾懷

有風月催喚新樽洗愁絕花知主客得非凡一夜光

風融絳雪樓頭烟暝吹單于花梢掛星光有無歸來

境熟落春夢夢入鎖香紅綺疏

嶺上紅梅 前人

霧雨臙脂照松竹江南春風一枝足滿城桃李各嬌

然寂寞傾城在空谷城中誰解惜娉婷遊子路傍空

復情花不能言客無語日暮清愁相對生

次韻元夕賞倅廳紅梅 前人

新安絕少紅梅唯倅廳特盛通判朝議召幕僚賞

之坐皆有詩

春入林梢一再風破寒勻染費天工雖然媚蕩新妝

別只與橫斜舊格同午枕乍醒鉛粉退曉奩初罷蠟

脂融後來顏色休論似夾路漫山取次紅

又

司花一笑爲誰開知道朱幡得來疎影有情當洞

戶蕙香無語墮空杯風生翰墨畱連看月入笙歌大

第催來歲如今翻舊唱五雲叢裏望三台

紅梅 前人

酒力欺朝寒潮紅上妝面桃李漫同時輸了春風半

梅爲雪所禁 前人

凍蕊粘枝瘦欲乾新年猶未有春看雪花祇欲欺紅

紫不道梅花也怕寒

次韻漢卿舅蠟梅 前人

垂垂瘦草泫微霜剪剪纖英鎖暗香金雀釵頭金蛺

蝶春風傳得舊宮妝

又

湘袂朝天紫錦裳光風微度絳綃香壽陽信美無仙

骨空把心情學淡妝

梅花 陸游

幽香淡淡影疎疎雪虐風餐只自如是花中巢許
輩人間富貴不關渠

又

亂簾桐帽花如雪斜挂驢鞍酒滿壺安得丹青如顧
陸憑渠畫我夜歸圖

江上尋梅

前人

小園風月不多寬一樹梅花開未殘剝啄敲門嫌特
地緩拖藤杖隔籬看

又

鐘殘小院欲消魂漠漠幽香伴月痕江上人家應勝
此明朝更出小南門

折梅花

前人

湖上梅花手自移小橋風月最相宜主人歲歲常爲
客莫怪幽香怨不知

梅花

前人

當年走馬錦城西曾爲梅花醉似泥二十里中香不
斷青陽宮到浣花溪

觀梅

前人

春暖山中雲作堆放翁艇子出尋梅不須問信道傍
叟但覓梅花多處來

雪後尋梅

前人

雙鵲飛來噪午晴一枝梅影向窻橫幽人宿醉開欹
枕不待聞香已解醒

又

竹籬曲曲水邊村月淡霜清欲斷魂商約前身是飛
燕玉肌無粟立黃昏

紅梅

前人

雪裏溪頭已占春小園又試晚妝新放翁老去風情
在惱得梅花醉似人

梅花

前人

家是江南友是蘭水邊月底怯新寒畫圖省識驚春
早玉笛孤吹怨夜殘冷淡合教閑處著清癯難遣俗
人看相逢刺作樽前恨索笑情懷老漸闌

又

月地雲堦暗斷腸知心誰解賞孤芳相逢只怪影亦
好歸去始驚身染香渡口耐寒窺淨綠絲綫邊凝怨立
昏黃與卿俱是江南客刺欲樽前說故鄉

十二月初一日得梅一枝絕奇戲作長句

前人

高標已壓萬花羣尚恐嬌春習氣存月免擣霜供換
骨湘娥鼓瑟爲招魂孤城小驛初飛雪斷角殘鐘半
掩門盡意端相端有恨夜寒絨玉倩誰溫

浣花賞梅

前人

老子人間自在身插梅不惜損烏巾春回積雪層冰
裏香動荒山野水濱帶月一枝低弄影背風千片遠
隨人石家樓上貪吹笛肯放朝朝玉樹新

山亭觀梅

前人

與梅歲歲有幽期忘却如今兩鬢絲乘淡月時和雪
看嘶蒼苔地帶花移先春瘦損應多恨靜夜香來更
一奇醉倒欄邊君勿笑明朝紅萼綴空枝

射的山觀梅

前人

凌厲冰霜節愈堅人間乃有此癡仙坐收國士無雙
價獨立東皇太乙前此去幽尋應盡日向來別恨動
經年花中竟是誰流輩欲許芳蘭恐未然

古梅

前人

梅花吐幽香百卉皆可屏一朝見古梅梅亦墮凡境
重疊碧薔暈天嬌蒼虬枝誰汲古澗水養此塵外姿

梅花

前人

山月暗中庭幽人酒初醒不是怯清寒愁踞梅花影

普明寺見梅

楊萬里

城中忙失探梅期初見僧窻一兩枝猶喜相看那恨
晚故應更好半開時今冬不雪何關事作伴孤芳却
欠伊月落山空正幽獨慰存無酒且新詩

梅花下小飲

前人

今年春在臘前回怪底空山早見梅數點有情吹面
過一花無賴背人開爲攜竹葉洗現樹捉折冰葩浸
玉杯近節雨晴誰料得明朝無與也重來

梅坡

前人

淺水低坡幾樹苔冷光搖動玉塵埃橫斜直似安排
得古怪多應折損來潔白要從侵夜看飄零却是被
春催閒行立斷清風影一片飛香落酒杯

池亭雙樹梅花

前人

開盡梅花半欲殘兩枝晴雪作雙寒團圓樂遠樹元無
見只合池亭隔水看

南齋梅花

前人

朝來早起挂南窻要看梅花試曉妝兩樹相挨前後
發老夫一月不燒香

瓶裏梅花

前人

膽樣銀瓶玉樣梅北枝折得未全開爲憐落莫空山
裏喚入詩人几案來

又

雪凍霜封稍欲殘殷勤折向坐中看綺意深開珠簾密不遺花愁半點寒

探梅

前人

山間幽步不勝奇正是深寒淺暮時一樹梅花開一朶惱人偏在最高枝

昌英知縣叔作歲坐上賦瓶裏梅花時坐上九

人

前人

銷冰作水旋成家猶似江頭竹外斜試問坐中還幾客九人而已更梅花

慶長叔招飲花下

前人

長廊盡處繞梅行過盡風聲得雪聲醉裏不愁飄濕面自舒翠袖點瓊英

道傍梅花

前人

一徑誰栽十里梅下臨溪水恰齊開此行便是無官事只爲梅花也合來

蠟梅

前人

江梅珍重雪衣裳薄相紅梅學杏裝獨小叢黃老面額間艷麗發金光

又

蜜蜂底物是生涯花作饌糧蠟作家歲晚略無花可採却將香蠟吐成花

又

天向梅梢別出奇國香未許世人知殷勤滴蠟緘封却偷被霜風折一枝

又

香蜜裁葩分外工疎枝數點綴蜂嬌黃染就宮妝樣香暖猶宜愛日烘

瓶中梅花長句

前人

幽人蚤作月滿堦月隨幽人登船齋推門欲開猶未開猛香排門撲我懷徑從鼻孔上濯頂拂拂吹盡髮底埃恍然墮我衆香國欲問何祥無處覓冥搜一室一物無瓶裏一枝梅的皪平生爲梅到斷腸何會知渠有許香夜來偶忘挂南窗貯此幽馥萬斛強却憶去年西湖上錦屏下瞰千青嶂谷深梅盛一萬株千頃雪波浮欲漲是時雨後初開前日光烘花香作煙政如新火炷博山蒸出沈水和龍涎醉登絕頂撼疎影掇葉餐花照冰井蜀人老張同舍郎喚作謫仙僂笑傾如今茅屋臥山村更無載酒來叩門一尊孤斟懶論文猶有梅花是故人

梅天下遇小雨

前人

偶來花下聊散策落英滿地珠爲席繞花百匝不忍歸生怕幽芳怨孤寂仰頭欲折一枝斜自插白簪明烏紗傍人勸我不用許道我滿頭都是花初來也覺香破鼻頃之無香亦無味虛疑黃昏花欲睡不知被花薰得醉忽然細雨濕我頭欲落未落花先愁三點兩點亦不惡未要打空花片休

雪夜尋梅

前人

去年看梅南溪北月作主人梅作客今年看梅荆溪西玉爲風骨雪爲衣臘前欲雪竟未雪梅花不慣人間熱橫枝憔悴晚晴埃端令羞面不可開綈裙夜訴玉皇殿乞得天花來作伴三更滕六駕海神先遣東風吹玉塵梅仙曉沐銀浦水冰膚別放瑤林春詩人莫作雪前看雪後精神添一半

蠟梅

前人

粟玉圓雕蕾金鍾細著行來從眞臘國自號小黃香夕吹撩寒靄晨曦透暖光南枝本同姓喚我作他楊和羅巨濟山居

前人

園花皆手植梅蕊獨禁寒色與香無價飛和雪作團數枝橫翠竹一夜遶朱欄不惜吟邊苦收將句裏看

梅花

劉子翬

玉骨綃裳韻太孤天教飛雪伴清癯林寒疎蕊半開落野迴暗香疑有無庚嶺風光仍似舊漢宮粉粉莫相污驚心不必傷空樹一白流空春便徂

紅梅

韓元吉

不隨羣艷競年芳獨自施朱對雪霜越女謾誇天下白壽陽還作醉時妝半依修竹餘真態錯認天桃有暗香月底瑤臺清夢到霓裳新換舞衣長

詠蠟梅水仙

樓鑰

二妹巧笑出蘭房玉質檀姿各自芳品格雅稱仙子態精神疑著道家黃宓妃漫說凌波步漢殿徒翻半額妝一味眞香清且絕明意相對古冠裳

蠟梅

尤袤

破臘驚春意凌寒試曉妝應嫌脂粉白故染麝熏黃綴樹蜂懸室排簞鴈作行著酥與凝蠟難學是生香

梅花

陳亮

疎枝橫玉瘦小萼點珠光一朵忽先變百花皆後香欲傳春信息不怕雪埋藏玉笛休三弄東君正主張

早梅

朱熹

今日清江路寒梅第一枝不愁風嫋嫋正奈雪垂垂暖熱惟須酒平章却要詩他年千里夢誰與寫相思

和宋丈韻紅梅

前人

開說寒梅盡尋芳去已遲冷香無宿蕊
蕊艷有繁枝正復非同調何妨讀舊詩
廣平偏嫵媚鐵石誤心期

蠟梅

前人

風雪催殘臘南枝一夜空誰知芳草裏
却有暗香同姿聲輕黃外芳騰淺絳中
不遭岑寂侶何以媚芳叢

梅花開盡不及吟賞感歎成詩聊貽同好

前人

憶昔身無事尋梅只怕遲沈吟窺老樹
取次折橫枝絕艷驚衰鬢餘芳入小詩
今年何草草政爾負幽期

又

柴几冰壺在梅梢雪蕊空不堪三弄咽
誰與一樽同鼻觀殘香裏心期昨夢中
那知北枝猶有未開叢

梅花

前人

幽壑潺湲小水通茅茨烟雨竹籬空
梅花亂發籬邊樹似倚寒枝恨朔風

詠梅

前人

獨樹臨孤岸橫枝放淺花不須煩驛使
正耐雪斜斜嶺梅

前人

梅花破萼時瘴雨吹成雪驛使忽相逢
無言似愁絕霜風殊未高杖策荒園裏
仙子別經年相看共驚喜

早梅

寒梅

前人

白玉堂前樹風清月影殘無情三弄笛
遙夜不勝寒

疎梅

前人

玉笛未黃昏冰灘已清淺疎影不勝妍
愁心爲誰遠

前村

玉立寒煙寂寞濱仙姿瀟灑淨無塵
千林搖落今如

許一樹橫斜獨可人真與雪霜娛晚景
任從桃李殷殘春綠陰青子明年事
衆口驚嗟鼎味新

次韻早梅

前人

可愛紅芳愛素芳多情珍重老劉郎
疎英的皪尊中影微月黃昏句裏香
臂大自憐眞玉雪人間何處有冰霜
巡簷說盡心期事肯醉佳人錦瑟傍

用東坡韻

前人

北風日日靈江村歸夢政爾勞營魂
忽聞梅蕊臘前破楚客不愛蘭佩昏
尋幽舊識此堂古曳杖偶集仙家園
嵐陰春物未全到邂逅只有南枝溫
冷光自照眼色界雪麗未怯扶桑暎
遙知雲臺溪上路玉樹千里藏山門
自憐塵羈不得去坐想佳處知難言
但對君詩慰岑寂已似共倒花前樽

又

羅浮上下黃茅村蘇仙仙去餘詩魂
梅花自入三疊曲至今不受蠻烟昏
佳名一旦異凡木絕艷千古高名園
却憐冰質不自暖雖有步障難爲溫
羞同桃李媚春色敢與葵藿爭朝暎
歸來只有修竹伴寂歷自掩疎籬門
亦知眞意還有在末覺浩氣終難言
一杯勸汝吾不淺要汝共保山林樽

又

江梅欲破江南村無人解與招芳魂
朔雲未斷蜂蝶信凍雨一洗烟塵昏
天憐絕艷世無匹故遣寂寞依山園
自吹羌笛娛夜未要鄭律回春溫
連娟窺水墮殘月的皪泣露晞晨散
海上清游記上界衰病此日空柴門
相逢不敢話疇昔能賦豈必皆成言
雕鐫肝腎竟何益况復制酒噉空樽

次張彥輔賞梅韻

前人

朔風萬里開雲屏清霜夜墜朝景晴
南枝浩蕩正春色凍蕊的皪含空明
花邊偶對青銅鏡稿項不堪冰雪映
擁爐獨坐只悲吟振策出遊舒遠興
暗香何處時一飄行行復值最長條
仰頭欲折誰贈滿意思那得邀極知
吳縣淹行李心賞未甘輕付畀石雄
賦罷不相聞秀豎書來因舉似兩翁
句法爭新奇畫出疎影沈寒漪幽探
自出塵境外勝概未許兒曹知祇今
嚼蕊攀條處他日重來記前度風臺
月觀悄無言玉笛冰灘索同賦嗟予
衰懶倦將迎過眼紛紛無復情尚喜
疎英窺水白更憐落片點苔青與來
亂插飛蓬首擬向君家醉君酒酒酣
耳熱莫狂歌布鼓雷門須縮手

探梅

戴禺

踏破登山屐展來尋傍水叢眼明千
樹底春在數花中格瘦詩難寫香寒
酒易空狂歌歸乘燭驚怪走兒童

西郊訪梅

魏了翁

荒烟散牛羊落日向城市天寒萬木
脫歲晏羣動弭西郊有孤芳獨喚春
事起幽光取參月清艷明野水欲開
未開時似語不語意或疑春較遲的
皪下霜蕊誰知春風心渾在阿堵裏
洞霄逍遙公九龍花月使領客居上
頭蹇予亦婪尾頗懷去年遊歲月如
許駛悠悠竟何成總被物化使

漁舍觀梅

林景熙

冷雲漠漠護離陰滿灘苔枝出竹林
影落寒磯和雪釣香浮老甕帶春斟
幾憑水驛傳芳信祇許沙鷗識素心
回首西湖千樹遠扁舟寂寞夢中尋

次王成之韻詠梅

裘萬頃

誰遣冰魂照夕陽搖搖一任北風涼眼前共有幾多
蕊鼻觀胡爲如此香佳實會須歸列鼎孤標已自壓
羣芳濡毫我欲從君賦未害平生生鐵石腸

梅

戴復古

孤標榮壓壓羣葩獨占春風管歲華幾樹參差江上
路數枝裝點野人家冰池照眼何須月雪岸聞香不
見花絕似林間隱君子自從幽處作生涯

靈洲梅花

前人

穿林傍水幾平章合有春風到草堂自入冬來多是
暖無尋花處只聞香枝南枝北一輪月山後山前兩
屐霜直看過年開未了醉吟且放老夫狂

蠟梅

謝翱

冷艷清香受雪知雨中誰把蠟爲衣蜜房做就花枝
色畱得寒蜂宿不歸

久客買舟西還

吳龍翰

萬里煙波興渺然愁心繫住滿橋邊歸裝詩少不成
載自折梅花湊滿船

水邊早梅

前人

數花黯淡帶寒煙漏洩春光矮屋邊會被清池寫疎
影一枝分作兩枝妍

兀坐

宋伯仁

對坐清清一穗香悄無人語日偏長硯盤數點梅花
片暗引遊蜂度粉牆

武夷山中

謝枋得

十年無夢得還家獨立青峰野水涯天地寂寥山雨
歇幾生修得到梅花

題吳氏梅堂

方逢辰

聞君家在雪邊住靠盡闌干索盡詩只怕梅花應冷
笑清香元不要人知

夜坐

元吉

森森夜氣落寒欄間把離騷酒正酣忽憶梅花不成
語夢中風雪在江南

梅花

趙信菴

夜深梅印含窻月紙帳魂清夢亦香莫謂道人無一
事也隨疎影伴寒光

蠟梅

吳宋齋

惹得西湖處士疑如何顏色到鵝兒清香全與江梅
似只欠橫斜照水枝

紅梅

徐介軒

寒香冷艷綴輕枝誤認天桃未放時盛飾霓裳陪越
女不施粉黛抹胭脂

又

輕盈弄月醉霞觴嬌軟酡顏褪晚妝綺素叢中紅一
點好花終是不尋常

紅梅

楊平州

誰將醉裏春風面換却平生玉雪身賴得月明畱瘦
影苦心冰骨見天真

梅窻

葛長庚

南窻屋數楹一點陽和生枝上雪裝瘦牆頭風作清
霜天酒自暖月夜夢難成何處人吹笛黃昏送幾聲

紅梅

桂水集

紫府移來詫早芳玉容寂寞試紅妝花含曉雨胭脂
濕枝繞春風絳雪涼

題曹得一扇頭

金元好問

機中秦女仙去月底梅花晚開只見一枝疎影不知
何處香來

窻外梅蕾

劉仲尹

細蕾初看柳麥肥春風得得遠窻扉道人方作玉溪
夢石塢竹橋風雪飛

墨梅

前人

生憎施粉與施朱換骨元都亦自殊疎影冷香題不
到夢驚煙雨暗西湖

晚梅

史學

孤根春半恰春回剛逐天桃艷香開蝶子蜂兒應有
語東風元不爲渠來

墨梅

楊邦基

粉蝶如知合斷魂啼妝先自怨黃昏華光筆底春風
老寥窻嶺南煙雨痕

梅

李俊民

朝來一雪暮晴沙行到前村始見花驛使便將春色
去暗香今夜落誰家

詠梅

前人

未報江南信先開雪裏村要看花上月立馬待黃昏

簪堂尋梅

前人

蕭疎籬落誰家圖尋芳信逐遊蜂去眼前荆棘少人
行馬蹄直到香來處怕愁貪睡獨開遲瘦損春黃鶯
膝枝可是東君苦畱客斜風細雨不堪詩

賦

劉著

一枝綠萼冠羣芳瀟灑猶疑楚岸傍香骨瘦來冰蕊

細夢魂清處月波涼廣酬便合成千首醒醉寧須計
百觴橫玉叫雲吹不盡只教今古洗離腸

梅花

劉迎

誰道江梅驛信遲碧琅玕裏見斜枝爲尋疎影暗香
處獨立嫩寒清曉時嚼蕊不妨浮白飲認桃休賦比
紅詩平生東閣風流在何遜而今鬢欲絲

和路宣叔梅

周昂

月底明肌粲壽陽道人呼入竹西堂安排臘味千鍾
酒消破春風萬斛香花鳥有情應見惜蛾眉傾國故
難藏西湖骨朽東坡遠又爲君詩惱一場

上清宮梅

李獻能

壓住盧家白玉堂琳宮瀟灑占年芳光生琪樹風霜
古影占銀潢月露涼物外根株本仙種世間紅紫避
嚴妝邀頭詞伯今何遜一笑詩成字字香

梅花

范曄

春風已自惜流光只放寒梅一樹芳玉粉更裝前夜
雪口脂猶注昔年香江湖昨夢同誰寄詩酒風流豈
易忘東閣何郎未全老花枝休笑鬢絲長

紅梅

麻九疇

一種冰魂物已尤朱唇點綴更風流歲寒未許東風
管澹抹濃妝得自由

紅梅

元日龍

天上紅光白玉肌吳妝約略更相宜認桃辨杏由君
眼自有溪風山月知

蠟梅

趙伯成

凍蕾含香蠟點勾古來幽谷有佳人詩家只怨和羹
晚不道紅梅別是春

又

冷艷疎香寂寞演欲持何物向時人東風自是清狂
手辦作竹籬茅舍春

仲冬之初家弟誠之自芹溪得紅梅數枝作二
詩以見意夜歸枕上次韻簡山中二子

投克己

十月梅花春未知竹間瓊瑤出斜枝耐寒巧作新妝
面絕勝含章簷下時

又

梅格孤高只自知恥隨桃李鬪新枝天寒翠袖依修
竹卻在橙黃橘綠時

梅花十詠

前人

憶梅

姑射仙人冰雪膚昔年伴我向西湖別來幾度春風
換標格而今似舊無

夢梅

天仙邀我醉瑤臺春向飛瓊笑裏開爲報梨花綠已
斷休將雲雨下山來

尋梅

風流誰似李三郎不記仙姿委路傍天上人間無覓
處風流羅帶只聞香

探梅

號國夫人約素身不教脂粉沁天真一斑曾向春前
見顏色如今更可人

乞梅

寄語詩人林隱君水西千樹要平分玉顏絳領堪娛
老御史何勞覓紫雲

折梅

白玉堂深夜色寒玉兒和月倚蓬山高情不似章臺
柳也許餘人取次攀

嗅梅

手撚冰蕤步月華暗香先已透垂瓜壽陽畢竟無才
思但臥含章拂落花

浸梅

玉骨渾將山麝熏冰肌得水更精神凌波微步東風
軟羞殺當年洛浦人

浴梅

脈脈晴天翠幕張玉環月底按霓裳却嫌塵汚香羅
襪故著溫泉爲洗妝

惜梅

窈窕銀屏掩畫堂爲嫌玉瘦性昏黃落英猶可爲香
熱不學翔風老退房

紅梅用誠之弟韻

前人

梅花香裏滿蒲團萬事人間總不干醉夢每憐春意
淺詩魂長遠夜枝寒記曾上苑溪頭見又向前村雪
裏看回首青蕤已如豆齒牙衰朽怯微酸

又

小梅初破月團團戲蝶遊蜂未敢干醉臉不禁經宿
雨芳心似欲訴朝寒乍驚別後容華換更與尊前仔
細看便好栽培近東閣免教風味一生酸
乘興杖屨山麓值梅始華徘徊久之因折數枝
置几側燈下漫成

戲蝶遊蜂

投成己

戲蝶遊蜂總未知小窻低亞兩三枝夜闌燈下橫疎
影渾似西湖月上時

又

幽香不許俗人知，纔是東風第一枝。
誤認文君新睡起，讀書窻下立多時。

梅花十詠 錄九首

前人

憶梅

初謁瓊漿記昔年，迎門一笑想嫣然。
夜來雪暗前村路，恨滿東風意不傳。

夢梅

神女塵緣久未忘，飄然隨月到高唐。
歡情未接還驚覺，雲雨陽臺空斷腸。

尋梅

玉想形容霞想裙，雲英自與世姬殊。
幾年來往藍橋路，搗盡元霜得見無。

探梅

未嘗親到謝家堂，風韻何由識謝娘。
說與選花場上客，須知林下勝閨房。

乞梅

漏洩春光洛水傍，紫雲名字襲人香。
可能惠我黃昏伴，休笑分司御史狂。

觀梅

玉骨那堪瘴霧傷，好將經卷伴南荒。
坡仙鼻孔清如水，老覺朝雲道氣長。

浸梅

洛浦飄飄信有神，凌波忽覩一枝春。
摩娑老眼看微步，旣旋香生羅襪塵。

浴梅

洗盡鉛華見玉環，肌膚冰雪照人寒。
臨風脉脉嬌無

力輕衰香羅半未乾

惜梅

襟袂翛然風味酸，北人誰識蔡姬賢。
可憐拋却清伊月，埋沒邊沙二十年。

紅梅

前人

誰點冰綃絳雪團，黃昏和月倚闌干。
羞隨桃李爭春意，要伴松筠傲歲寒。
冷艷只宜寒處著，淺妝難入俗人看。
天心固惜調羹便，空抱枝頭一點酸。

古瓶蠟梅

趙秉文

石冷銅腥苦未清，瓦壺溫水照輕明。
土花暈碧龍紋澀，燭淚痕疎鴈字橫。
未許功名歸鼎鼐，且收風月入瓶罍。
嬌黃喚醒朝陽夢，漢苑荒涼草棘生。

欽定古今圖書集成博物彙編草木典

第二百十卷目錄

梅部藝文五詩

梅雨

元張弘範

蠟梅

耶律楚材

謝王巨川惠蠟梅

前人

早梅

趙次誠

題梅

杜本

蠟梅

馮子振

詠綠萼梅

前人

月下觀梅

許棨

賞紅梅

郝經

立春賞紅梅

元淮

梅二首

仇遠

江邊梅樹

劉秉忠

謝書巢惠梅花

虞集

留宿上方觀

前人

移梅

馬祖常

題竹外一枝梅花

黃清老

題墨梅二首

傅若金

元日賦紅梅

劉詵

竹外梅梢

前人

燈夕觀梅

薩都刺

二月梅

雅琥

梅魂

謝宗可

水中梅影

前人

蟠梅

前人

紅梅

前人

鴛鴦梅

前人

觀紅梅

袁桷

紅梅

楊載

疊葉梅

吳澄

二月江城見梅

葉顥

梅花

黃鎮成

題墨梅二首

劉永之

梅

貢性之

登道山亭觀梅用東坡韻

朱德潤

紅梅

丁鶴年

題梅花

前人

紅梅

楊維禎

新安梅

顧瑛

紅梅四首

王冕

墨梅

前人

梅花四首

前人

剪梅

僧明本

月梅

前人

風梅

前人

烟梅

前人

疎梅

前人

隔簾梅

前人

紙帳梅

前人

紅梅

前人

題月下梅花

前人

題墨梅圖

前人

題梅花二首

前人

鄰牆梅花

張昱

問梅

前人

梅花七首

僧明本

師子林問梅閣

明高啓

題朱氏梅雪軒

前人

梅花六首

前人

次韻西園公咏梅二首

前人

陌上見梅

前人

戲題紅白二梅花落

楊基

梅花

前人

宜秋軒梅

前人

省掖觀梅和宋草堂韻

前人

鏡中梅

袁凱

梅

卓敬

詠神樂觀梅花

陳東

則學以書索賦梅

盧儒

禁中梅花

羅倫

紅梅

黃肅

梅子

郭登

題屏間紅梅

何喬新

題泥金畫梅二首

前人

題梅竹卷四首

前人

看梅偶成

林俊

惜梅

王弼

梅花

王世貞

紅梅

前人

題梅花卷爲顧御史賦

王燧

過梅花室

王綏

梅花水仙

皇甫瀛

詠梅花

皇甫瀛

人日雨中上方寺看梅

吳鼎芬

落梅歎

吳國倫

靈谷寺梅花塢

六首

焦炫

食梅

費宏

雪中賞紅梅奉大涯翁先生時遂翁攜酒共飲

懷麓堂

邵寶

梅花

王鳳雛

客園看梅

錢二白

落梅

潘德元

署中有憶江南梅花者因以爲賦

李攀龍

張駕部宅梅花

前人

落梅

黃姬水

送梅

許陞

天平道中看梅呈陸丈

王穉登

雪中梅花

前人

題話溪郁振公梅花草堂

二首

前人

看梅過元基山中

二首

前人

支硎寺看梅聽僧家吹笛

前人

湖上梅花歌

四首

前人

詠梅

陳鶴

約王子看梅

陸承憲

夜過沈子起邀去看梅

前人

湖上梅花

前人

梅花

申時行

梅花

前人

城南梅開簡友人

薛蕙

水邊梅

張祥鸞

老梅

朱之蕃

題畫梅花

于若瀛

春雪飲紅梅花下漫詠

張鼎

紅梅

謝文爵

梅花

王萊濟

梅花

劉文光

梅

陳繼儒

梅花

前人

瓶梅

譚元春

畫梅

釋懷渭

月夕看梅

僧德祥

元墓看梅花

僧法果

尋梅

僧圓映

草木典第二百十卷

梅部藝文五

詩

梅雨

元張弘範

輕雲薄薄暗江干幾陣紗窻送嫩寒濃醉呼重新摘得未黃梅子已微酸

蠟梅

耶律楚材

越嶺仙姿迥異常洞庭春染六銖裳枝橫碧玉天然瘦蕾破黃金分外香反笑素英渾淡抹却嫌紅艷太濃妝臨風泥此薔薇露醉墨淋漓寄渺茫

謝王巨川惠蠟梅

前人

雪裏冰枝破冷金前村籬落暗香侵令人多謝王公子分惠幽芳寄好音

早梅

趙次誠

江南冬十二月溪上梅三兩花載取小舟香影月明自棹回家

題梅

杜本

點點苔枝綴玉疎疎檀蕊凝香還記當年月色簫聲暗度宮牆

蠟梅

馮子振

洗却鉛膏飾道裝檀心淺露紫香囊從今官額翻新樣變作眉間一點黃

詠綠萼梅

前人

蕊珠宮裏小仙娃暫別椒房柳翠華底事塵緣猶未斷謫來人世列名花

月下觀梅

許慎

老樹清溪映白沙可人竹外一枝斜黃昏信步前村去香到松林賣酒家

賞紅梅

郝經

汴梁宮中絳綃梅移向汴河堤上栽青條團栝杏花顚瑣細向陽才半開張公小隊呼我飲風色偃異寒氣凜玉銜徑踏黃河冰貂帽颯簷掀紫錦金鞍細馬歌舞人雪壓小橋不動塵入門下馬簇花宴紅蓮舊府花正新玉川金波碧香酒折花遍插分素手春透寒梢未全綻風流正要賸脂瘦實梅不用歌落梅緩歌却著銀笙催愛向細纈生霞蕊浮動雲腴嚼一杯本是前村冷淡花不稱王侯將相家明朝更向明月

底藉雪凍吟疎影裏

立春賞紅梅

元淮

昨夜東風轉斗杓
陌頭楊柳雪纔消
曉來一樹如繁杏
開向孤村隔小橋
應是花工嫌粉瘦
故將顏色助花嬌
青枝綠葉何須辨
萬卉叢中奪錦標

梅

仇遠

爲怕緇塵著素衣
凍痕封蕊放香遲
月來忽送闌干影
春到不分南北枝
啼夢翠禽依樹宿
斷魂玉笛隔花吹
從他萬片隨風去
須有青青葉底時

又

夢想幽芳無處尋
相逢依舊感寒心
要看月底玲瓏玉
林折枝頭蓓蕾金
清曉風霜和艷冷
黃昏庭院覺香深
揚州一樹春多少
帶得何郎瘦不禁

江邊梅樹

劉秉忠

江邊繚繞惜芳叢
絕筆天真在眼中
素艷乍開珠蓓蕾
暗香微度玉玲瓏
一枝倒影斜斜月
萬樹浮光細細風
明日行經山下路
幾回特地駐青驄

謝書巢惠梅花

虞集

巢翁遠送梅花樹
正在東風四日前
紅萼無言餘舊雪
白頭相見又新年
喜從嘉樹來江雨
憶共香航上海船
春夜不眠賓客醉
只留孤鶴伴清妍

留宿上方觀

前人

燈前自了讀殘經
風入疎簾月入櫺
坐到夜深誰是伴
數枝梅萼一銅瓶

移梅

馬祖常

植爾當庭隅
豈復查鼎味
遷爾自谷中
豈復相嫺媚
冽冽元冥候
衆植各浮脆
高標自凌寒
孤尚獨冠歲

么禽何處來飛下雙羽翠

題竹外一枝梅花

黃清老

仙標何處來
一枝倚寒玉
晴窻見疎林
座上春可掬
山陰帶殘雪
水影兼趣綠
珍重孤竹君
歲寒伴幽獨

題墨梅

傅若金

老樹亞晴空
疎花帶寒野
風流不自惜
漂泊從人寫
歲晏孰能娛
空山少來者

又

孤花何婉婉
玉立含幽素
短短時出橋
疎疎或臨路
生疑簷下月
半照牆西樹

元日賦紅梅

劉詵

紅梅不遲暮
冬暖遂爭先
亂蕊額黃淡
細蕊丹砂圓
雖加點染工
風致終自然
懷哉生意具
欲折還復憐
物理且如此
吾生寧怨天

竹外梅梢

前人

誰家修葺千萬竿
短牆流水朱闌干
孤芳託根得春早
一枝斜出行路看
遙擬青林炯初霽
一點兩點雪未殘
小窻月落霜角動
誰與伴此空山寒

燈夕觀梅

薩都刺

翠禽偷夢出南園
綽約冰姿傍綠尊
水鏡玉釵浮翠影
風簾銀燭照妝痕
粉香微潤無人見
素質多寒藉酒溫
不似海棠春睡去
西樓月落已黃昏

二月梅

雅琥

去年呵筆賦寒梅
又見仙家二月開
不是東君留客醉
肯教神女逐春回
梨花院落爲雲妒
柳絮池塘作雪猜
東閣如今清興減
羅浮誰與寄香來

梅魂

謝宗可

枝南枝北路迢迢
飛入孤山夜寂寥
水月浮香應自返
溪風弄影爲誰招
縞衣夢裏和愁斷
玉笛聲中還恨消
似欠靈均歌楚些
逋仙墳冷草蕭蕭

水中梅影

前人

澄澄寒碧映冰條
雲母屏開見阿嬌
嬌色一枝流不去
雪痕千點浸難消
臨風倚檻雲鬢濕
帶月凌波玉佩搖
最是黃昏堪畫處
橫斜清淺傍溪橋

蟠梅

前人

榮春絆碧裂蒼苔
歲晏寒香宛轉來
蛟螭凍雲冰骨瘦
龍眠夜月玉鱗開
風霜氣勢從千折
鐵石心腸亦九迴
祇爲東君甘自屈
不教枉占百花魁

紅梅

前人

梨雲無夢倚黃昏
薄倩朱鉛蝕淚痕
宿酒破寒薰玉骨
仙丹偷暖返冰魂
茜裙影露羅衣卷
霞佩香封綳袂溫
回首孤山斜照外
尋真誤入杏花村

鴛鴦梅

前人

兩兩貼春簇錦機
文衾夢覺月分輝
枝頭交頸棲香暖
花底同心結子肥
金殿鎖烟妝粉額
玉堂環水浴紅衣
有情一種隨流去
莫被風飄各自飛

觀紅梅

袁桷

雲閣香溫睡覺遲
不堪殘角曉鐘時
玉妃瓊屑難爲從
青女鉛華敢弄姿
可怪絃綃能幻色
誰將猩血解填肌
團團似就迴文錦
薄暮凝愁下翠枝

紅梅

楊載

玉人中酒嬌芳華
盡壓東風百種花
襖被冬深裁異錦
篝燈夜未障輕紗
纖粧露沁蜂腰嫩
蜜蕊雲蒸鶴頂砂
爲問閨風何處在
相期高舉簡晨霞

曼葉梅

羅浮夢斷杳無蹤
冰雪仙姿兩兩逢
綺袂怯單寒後
襲粉妝嫌薄曉來濃
迎風一笑知顏厚
臨水相看見影重
道眼只將平等視
玉環飛燕總天容

吳澄

二月江城見梅

二月江城第一枝
怕寒故故著花遲
不嫌斂杏天桃俗
甘受狂蜂妒蝶疑
月落西湖驚舊夢
雪消南國憶當時
樓頭亦有霜天角
嫩對春風暖日吹

葉顥

梅花

吟徧蕭疎霜後村
江頭千樹欲黃昏
等閒又被春風覺
添得寒梢月一痕

黃鎮成

題墨梅

茅屋蒼苔野水濱
歲寒冰雪久相親
江湖後夜扁舟夢
猶記尊前對玉人

劉永之

又

仙館曾逢玉帶姿
夢中要作曉寒詞
於今相對情如水
唯有清霜繞鬢絲

梅

貢性之

眼中誰識歲寒交
只有梅花伴寂寥
明月滿天天似水
酒醒聽徹玉人簫

登道山亭觀梅用東坡韻

朱德潤

道山亭下梅花村
坡仙作詩爲招魂
明姿照人隔寒水
瘦影帶月欺黃昏
先生頗厭郡齋冷
持書晚約窺山園
松風吹香清人骨
地爐烟消初溫孤標已出羣
丹上故遺雪意迷晴暎和羹結
子時較晚先傳春色來
衡門天寒谷幽翠袖薄豈知青鳥能傳言
明晨看花重有約呼童掃石羅清樽

紅梅

姑射仙人鍊玉砂
丹光晴貫洞中霞
無端半夜東風起
吹作江南第一花

丁鶴年

題梅花

池館春深看牡丹
五陵車馬隘長安
誰知凜凜冰霜際
却是梅花耐歲寒

前人

紅梅

羅浮仙子宴瑤宮
海色生春醉靨紅
十二闌干明月夜
九霞帳暖睡東風

楊維禎

新安梅

寶地春生玉氣新
苔烟如霧翠光勻
山僧分得維摩供
三素雲中別有春

顧瑛

紅梅

彩鳳穿花啄石苔
玉窻瓊戶紫烟開
山人不說羅浮夢
却憶元都觀裏栽

王冕

又

玉妃步月影氤氳
燕尾池酒正酣半
夜不知香露冷
春風吹夢過江南

又

昭陽殿裏醉春風
香隔瓊簾映淺紅
翠袖擁雲扶不起
玉簫吹過小樓東

又

爛醉西湖處士家
酒痕吹上水邊花
東風蛺蝶迷香夢
一樹珊瑚月影斜

墨梅

我家洗硯池邊樹
朵朵花開淡墨痕
不要人誇好顏色
只留清氣滿乾坤

前人

梅花

月明海底夜無烟
恰似西湖雪後天
清氣逼人禁不得
玉簫吹上大樓船

前人

又

海雲初破月團圓
獨鶴歸來夜未闌
一片笙歌湖水上海雲初破月團圓
獨鶴歸來夜未闌
一片笙歌湖水

又

馬跡山前萬樹梅
千花萬花如雪開
滿載揚州秋露白
玉簫吹過太湖來

又

斷雲流水孤山路
看得春風殘樹花
騎馬歸來城郭是
月明簫管起誰家

剪梅

破玉并刀試手溫
香凝雙股斷芳魂
花隨燕尾輕分去
不帶春風爪甲痕

前人

月梅

數枝姑射闌嬋娟
疎影分明不夜天
散却廣寒宮裏桂
春光長滿玉堂前

前人

風梅

花間小女翦春寒
絮絮絮絮舞隊仙
月夜遙看環佩冷
莫教吹落玉花鈿

前人

烟梅

夢隔梨雲近曉天
苔枝浮翠逗春寒
不嫌玉質輕輕素
留與詩人冷淡看

前人

疎梅

依稀殘雪浸寒波
桃李漫山奈俗何
滿壚最宜三二點
好花清影不須多

前人

隔簾梅

前人

庭花映箔眩吟眸一片湘雲鎖莫愁風卷黃昏疎影動珊瑚枝上月如鉤

紙帳梅

前人

春融刻雪道人家素幅凝香四面遮明月滿牀清夢覺白雲堆裏見梅花

紅梅

王冕

深院春無限香風吹綠漪玉妃清夢醒花雨落胭脂

題月下梅花

前人

平生愛梅頗成癖踏雪行穿一雙屐六花散飛滿空千里萬里同一色衝寒不畏朔風吹乘興來此江之湄繁花滿樹梅欲放彷彿羅浮曾見時南枝橫斜北枝好北枝看過南枝老中有一枝致奇絕萬蕊千葩弄天巧老夫見此喜欲顛載酒大酌梅花仙仙人怪我來何晚一別已是三千年醉來仰面臥深雪夢扶飛瓊上天闕酒醒起視夜何其饒鳥啼殘半江月

題墨梅圖

前人

朔風吹寒冰作墨梅花枝上春如海清香散作天下春草木無名藉光彩長林大谷月色新枝南枝北清無塵廣平心事誰與論徒以鐵石磨乾坤歲晚燕山雲渺渺居庸古北無人到白草黃沙羊馬臺瓊樓玉殿烟花繞凡桃俗李爭芬芳只有老梅心自常貞姿燦燦眩冰玉正色凜凜欺風霜轉身西冷隔烟霧欲問逋仙杳無所夜深湖上酒船歸長嘯一聲雙鶴舞

題梅花

前人

江南十月天雨霜人間草木不敢芳獨有溪頭老梅樹面皮如鐵生光芒朔風吹寒珠蕾裂千花萬花開

白雪彷彿蓬萊羣玉妃夜深下踏瑤臺月銀鑄冷冷動清韻海烟不隔羅浮信相逢共說歲寒盟笑我飄流霜滿鬢君家秋露白滿缸放懷飲我千百觴與酣脫帽恣盤礴拍手大叫梅花王五更意前博山冷玄鳳飛鳴酒初醒起來笑抱石丈人門外白雲三萬頃

又

昔年曾踏西湖路巢居閣上春無數雪晴月白最精神瑤瑤坡前第三樹虬枝屈鐵交碧苔疎花喚進珍珠胎初擬羣仙下寥廓瓊瑤玉佩行瑤臺又疑幽人在空谷滿面清霜鬢華綠迎風冷笑桃花紅紫紛紛太粗俗今年來看秦淮水路隔西湖一千里草堂上是白雲窩夜半松風喚予起青山隔世無游塵雲根粉壁光如銀長嘯一聲月入戶孤山處士來相親江南梅花自有主休問當年何水部山僧對我默無語柏子無風塵青雨

鄰牆梅花

張昱

臘後春纔到寒香襲素袍梅花如有意不在粉牆高

問梅

前人

一種隴頭樹東風都合吹未應造物者偏在向南枝

梅花

僧明本

見非恍惚夢非神雪後霜前分外真疎影暗消三弄月半聯妻斷獨吟人歲寒搖落孤根在江驛荒涼往事塵碎嚼幽香清可挹玉奴無復更臨春

又

玉簫起處暗驚神曲緩瑤臺逸韻真泉石幾年雲冷鶴關山萬里月愁人香凝老樹調風味影落寒窻枕隙塵檀板金樽人岑寂微吟不減昔時春

又

白雲堆裏曉飛神道骨嶠然一太真古岸埋香多是雪寒岩欺影四無人因風寄遠愁應老坐雨辭根恨未塵賸欲巡檐賦歸隱共君心事答問春

又

水中仙子鏡中神夜夜相攜入夢真龍鴈哀殘理玉地朔風吹老弄蟾人寒添灑上雙眉凍愁壓江南幾履塵雪裏不嫌情味苦一枝占斷九州春

又

橫影伶仃似有神半清淺處獨呈真數枝沖淡晚唐句一種孤高東晉人上苑清房誰耐雪廬山玉峽肯蒙塵是中天趣那能識惜被東風漏洩春

又

眼花落井眩雙神雪步迢迢見欲真淡墨畫圖橫玉影黃昏庭院倚闌人唾絨猶認窻間迹啼粉空餘鏡面塵消得黃金鑄成屋年年雪裏貯芳春

又

憶昔君平勘卜神青衣應是日時真雲開巫女多嬌面浴出楊妃一麗人竹葉杯浮苔砌月豆蔻灰暖紙窻塵驚春恐落羣芳後先到名園逐上春

師子林問梅閣

明高啓

問春何處來春來在何許月墮花不言幽禽自相語

題朱氏梅雪軒

前人

石城山居梅萬塢冒雪曾來扣僧戶爛然如見會羣妃白鳳繽紛下瑤圃數片輕吹著鬢華乍看是雪又疑花迷魂亂眼春如海那辨南枝映竹斜獨披鶴氅穿林去凍壓寒梢應幾樹聽響方知夜灑時聞香始

識繁開處回首春風憶舊遊夢尋歸路隔羅浮年來
驢背無詩思醉踏塵埃空自愁聞道君家溪上下玉
蕊瓊英巧相亞履跡誰來東郭朝笛聲不起南樓夜
翠羽驚啼莫怨猜破寒宜共一樽開雪晴花發須相
記我亦扁舟乘興來

梅花

前人

瓊姿只合在瑤臺誰向江南處處栽雪滿山中高士
臥月明林下美人來寒依疎影蕭蕭竹春掩殘香漠
漠苔自去何郎無好詠東風愁殺幾回開

又

縞袂相逢半是仙平生水竹有深緣將疎尚密微經
雨似暗還明遠在烟薄暝山家松樹下嫩寒江店杏
花前秦人若解當時種不引漁郎入洞天

又

翠羽驚飛別樹頭冷香狼藉倩誰收騎驢客醉風吹
帽放鶴人歸雪滿舟淡月微雲皆似夢空山流水獨
成愁幾看孤影低徊處只道花神夜出遊

又

淡淡霜華濕粉痕誰施綃帳護香溫詩隨十里尋春
路愁在三更掛月村飛去只愁雲作伴銷來肯信玉
爲魂一尊欲訪羅浮客落葉空山正掩門

又

獨開無那只依依肯爲愁多減玉輝簾外鐘來初月
上燈前角斷忽霜飛行人水驛春前早啼鳥山牆晚
半稀愧我素衣今已化相逢遠自洛陽歸

又

斷魂只有月明知無限春愁在一枝不共人言惟獨

笑忽疑君到正相思歌殘別院燒燈夜妝罷深宮覽
鏡時舊夢已隨流水遠山意聊復伴題詩

次韻西園公咏梅

前人

如何天與出塵姿不得芳名入楚辭春後春前曾獨
采江南江北每相思微雲淡月迷千樹流水空山見
一枝擬折贈君供寂寞東風無那欲殘時

又

雪中無伴只孤芳倚竹元非翠袖妝馬上忽逢臨水
驛鶴邊聞見向山房春愁寂寞天應老夜色朦朧月
亦香此地一尊聊自戀揚州回首已淒涼

陌上見梅

前人

陌頭一樹帶風沙零落寒香日欲斜車馬紛紛誰暇
看當年只合種山家

戲題紅白二梅花落

楊基

簷外雙梅樹簷前昨夜風新英兼舊蕊墜粉間飄紅
已見苔成錦方疑色是空妝娥初點額舞女欲迷蹤
雨重胭脂濕泥香瑞雪融不知何處笛併起一聲中

梅花

前人

落莫香魂舊繞宮詎知色相本來空留聲黃鶴高樓
上詩句孤山小店中曉樹烟霜千萬點晚離松竹兩
三叢相思只尺憑誰寄目斷天南字字鴻

宜秋軒梅

前人

萬松嶺上梅千樹踏雪年年看花去湖邊十里翠裙
腰盡是看花醉眠處花今憔悴不如前人亦飄零二
十年夢魂不到西湖上春色自繞南枝邊今年看花
來杜曲一樹寒香照茆屋別是人間冰雪魂肌膚綽
約清如玉雪更玲瓏玉更溫春風入頰淡無痕數聲

殘角黃昏後獨自相看半掩門

省掖觀梅和宋草堂韻

前人

玉肌瘦怯春風惱唇紅不褪香雲老綺窗人靜月初
圓笑覺飛瑤顏名橘羅幃銅瓶小几邊銀燈疎影硯
臺前一株初破休輕折半朵猶含最可憐宮妝近眼
人爭愛却恐愁多零落快莫教纖手嗅東風誰畫生
香與真態

鏡中梅

袁凱

的皪孤芳野水濱折來應是曉妝人瑤池風暖香初
散銀漢春回跡未真奔月定知猶有影凌波却喜不
生塵綠毛幺鳳無栖處來往蘭房不厭頻

梅

卓敬

風流東閣題詩客瀟灑西湖處士家雪冷江深無夢
到自鋤明月種梅花

詠神樂觀梅花

陳東

素質舒元圃清芬裊碧紗自將幽獨意不逐艷陽華
避後遲開葉凌寒早著花瓣輕飄易墮枝曲影從斜
雜雪明春砌隨風入暮笳何須飛寶曆長此奉仙家

則學以畫索賦梅

盧儒

近竹幽妍映雪清春痕消盡粉痕輕帳中半落臨溪
影篷裏橫吹出塞聲曉色動愁香宛宛夜魂追夢玉
盈盈揚州賦味誰能繼惟有當時水部名

禁中梅花

羅倫

一段清香萬禁闌幾枝疎影照寒輝玉堂不護孤山
趣雪骨冰肌對紫微

紅梅

黃肅

隴頭人未來江南春幾許惆悵玉簫聲吹落胭脂雨

梅子

郭登

饒心纔說齒生津風味雖嚴恐未醇莫倚詞羹全待
汝世間還有皺眉人

題屏間紅梅

何喬新

會餌仙人換骨丹霞裳翠舞月華寒暗香疎影終非
俗莫比桃花一樣看

題泥金畫梅

前人

此花元是玉爲容金粉何勞點染工識得和羹風味
別始知來自藥珠宮

又

瓊枝不肯染縹塵別是西湖一種春畫裏祇須論色
相金丸熟處見天真

題梅竹卷

前人

黎雲漠漠楚天低綈袂相逢思欲迷斗轉參橫寒漏
永夢迴惟聽翠禽啼

又

姑射仙人冰雪姿珠冠瓊珮下瑤池湘江帝子元同
調翠袖相依歲晚時

又

鐵幹瓊英玉作魂託根不傍五侯門歲寒惟有疎簾
在共保清眞水石村

又

霜華簌簌暗香浮萬顆明珠夜不收幾度披圖吟興
遠恍如何遜在揚州

看梅偶成

林俊

消息東風兩月前西湖索莫老通仙雪蓬昨夜還扶
醉移近梅花一處眠

惜梅

王弼

獨樹牆西老更繁幾迴相伴月黃昏東風只爲芳菲
計不道飛花已滿園

梅花

王世貞

空庭一樹影橫斜玉瘦香寒領歲華解道廣平心似
鐵古來先已賦梅花

紅梅

前人

小苑紅梅刺眼新一枝分作峽江春長安驂騎知何
限天上於今少故人

題梅花卷爲顧御史賦

王燧

我家家在吳山住路入梅花最深處天空歲晚雪紛
飛繞屋寒香千萬樹花時日日醉花邊酒醒長吟花
下眠聽到翠禽啼欲斷任教明月照青天自從遊宦
京華已非舊臺御史繡衣人藏得橫斜水面眞一幅
齊紉裁皎雪筆端渾是玉精神蕭蕭寒雨簷花落紙
帳夜寒燈影薄恍然相對似還家春信依稀生綠萼
絲萼春生日漸多故山歸計尚蹉跎玉堂日賜宮壺
酒其耐梅花似雪何何當便赴看花約莫待江天吹
曉月詩成却向書中題酒熟空思花下酌

過梅花室

王綬

我曾泊棹西湖濱千樹萬樹梅花春孤山月照一篷
雪十里湖光如爛銀興豪對客酣清醺蓬旦晨吟騁
雄健燈前索紙呵手題霜兔鏤冰滿硯年來浪跡
隨西東看花多在驅馳中縱有香醪對明月渾無好
典酬春風只今書劍來京國欲訪梅花杏難得亭館
多栽逞艷姿山林誰重凌寒色春來未幾薄雪餘寒

驢偶過城西隅疎花寂歷三五樹中有一室幽人居
室中幽人廣平後旅寓看花爲花瘦意橫古影神念
清杯吸寒香骨應透相逢休言一事無鄰家有酒須
賸沽趁取樓頭未吹角莫教地上魚鱗鋪我因看花
狂興發花應笑我生華髮曲逆長貧豈足論馮唐已
老誰能拔憐君與我同襟期看花的酒情相宜百年
一任世所棄寸心獨許花相知我家君家隔江浙一
水相通吳與越此夕何妨對榻眠夢魂還醉西湖月
梅水仙

梅花水仙

皇甫汈

弄影俱宜水飄香不辨風霓裳承舞處長在月明中
詠梅花

詠梅花

皇甫汈

坐惜江南樹春當塞北花叢中澹芳色歌裏近年華
競月宜香泛嬌風恰影斜佳人正堪憶持此代疎麻
人日雨中上方寺看梅

人日雨中上方寺看梅

吳鼎芬

人日初開社香風拂寺門梅花殊耐雨一白自成村
濕氣蒸初霽春聲散冷魂鐘殘僧出定留語坐黃昏
落梅歎

落梅歎

吳國倫

忽忽春無力梅花作雪飛誰能萬里外聞笛不思歸
靈谷寺梅花塢

靈谷寺梅花塢

焦燧

山下幾家茆屋村中千樹梅花藉草持壺燕坐隔林
敲石煎茶

敲石煎茶

又

舊翰林東短牆會開寶地齊梁初春老樹花發深澗
無人水香

又

又

一枝初出岩阿看盡千林未多天女知空結習散花
不礙維摩

又

又

不礙維摩

又

又

又

二十四番花信四百八寺樓臺何似草堂海燕同人
先探春回

又

落半橫參月溶溶盡洗鉛華盈盈湘浦解佩脉脉
蘿村浣紗

又

西湖夢斷人寂東閣妝殘月斜襟解微聞鄉澤細昏
半卸檀霞

食梅

費宏

夏木陰陰雨氣寒半黃肥穎摘林端齒輪赤子先拈
軟眉爲蒼生故自攢調劑功微慚玉鉉賜落恩重憶
金盤一株留取當階樹贏得花時索笑看

雪中賞紅梅奉次涯翁先生時遂翁攜酒共飲

懷麓堂

邵寶

淺絳英英忽滿枝春風到此欲何之正憐與雪相逢
地却訝如人欲醉時南國已通千里信西湖空負一
生詩白頭二老青燈夜笑對江東綠酒危

梅花

王鳳雛

人言王氏人多癖我愛梅花癖最深新構小樓偏有
韻移來幾樹欲成陰村人近解呼梅里勝客相將擬
竹林莫訝鶯啼猶未起縱然蝶化也相尋

客園看梅

錢二白

冉冉低迷暎綠苔淡粧西子拂雲來波平曉鏡春香
色月上高樓帶雪開庚嶺幾時書未到羅浮今夜夢
初回相看莫把花枝折須識東君著意催

落梅

潘德元

一從風信過元宵南北枝頭並寂寥人有新妝江燕
在樹無殘怨粉痕消難憑驛使傳千里忍使春波渡
六橋總有通仙詩百首香魂很籍不堪招

署中有憶江南梅花者因以爲賦

李攀龍

欲問梅花上苑遲坐中南客重相思開簾署有青山
色對酒人如白雪姿驛使春來書不見仙郎夢斷月
應知偏驚直北多烽火昨夜關山笛裏吹

張駕部宅梅花

前人

仙郎雪後建章迴清夜西堂擁上才笛裏春愁燕塞
滿梁間月色漢宮來即看芳樹催顏冀莫厭寒花對
酒杯共憶故人江北望因君罷賦倚徘徊

落梅

黃姬水

昨日看花花影重重來惆悵幾枝空隨萍半積芳池
上學絮全飄盡閣東春曉遙遙悲夜月漢宮憔悴怯
春風臨觴莫恨凋零盡畱得鄰家玉笛中

送梅

許隆

爛漫南枝與北枝殘香落落影離離多情明月還相
照無賴狂風且莫吹縱飲不辭今日醉筭開猶是隔
年期最憐今夜黃昏後寂寞微吟倚樹時

天平道中看梅呈陸丈

王穉登

新春日日雨霏霏雨後尋春願不違花近翠微苔作
樹人行香徑雪生衣折從野岸俱無主開入僧家盡
掩扉誰似丈人能好事衝風踏凍不言歸

雪中梅花

前人

二月春光雪尚飄看梅獨坐思無聊銀花亂綴難分
萼玉樹交加莫辨條粉似傳來容易褪香偏畱却不

同消一般飛入妝臺裏獨護殘英點額嬌

題詰溪郁振公梅花草堂

前人

竹寒沙碧堂成處移得官梅遶屋栽未到花時畱客
坐恰當人日寄詩來出郊路熟香偏早傍舍春生水
正迴湖畔垂垂天欲雪鄉愁驛信兩相催

又

何人會送草堂貴幾首巡簪索笑詩東閣去逢春動
候西溪邀宿月明時山空翠袖寒薄雪緊青燈放
焰遲烟角霜鐘斷消息窻前一夜爲相思

看梅過元墓山中

前人

人似梅花瘦舟如蘭葉長青山十畝白流水一村香
種密人難入開齊夜有光苔枝容我折野老不嗔狂

又

橋外花開口分明雪作圖不將他樹雜未有一家無
多處半青嶂香時過太湖瀾膠元易得市遠亦須沽

支硎寺看梅聽僧家吹笛

前人

梅引何郎興山餘支遁名寒泉似隴水僧留學羌聲
一雨花林寂無人山殿清青年二三月繁麗不堪行

湖上梅花歌

前人

家家山色對春湖日日春風聽鷓鴣門前楊柳藏魚
市屋上梅花當地租

又

山烟山雨白氤氳梅藥梅花濕不分渾似高樓吹笛
罷半隨流水半爲雲

又

虎山橋外水如烟雨暗湖昏不繫船此地人家無玉
曆梅花開日是新年